



VANJSKOTRGOVINSKA KOMORA BOSNE I HERCEGOVINE
СПОЉНОТРГОВИНСКА КОМОРА БОСНЕ И ХЕРЦЕГОВИНЕ

KABINET PREDsjedNIKA I POTPREDsjedNIKA

Sarajevo, 13.02.2013. godine

Broj:PK-316-1/13

Bosna i Hercegovina
Parlamentarna skupština BiH
Zastupnički dom/predstavnički dom
N/r g-din Dr.Božo Ljubić, predsjedatelj

01/e-50-1

BOSNA I HERCEGOVINA			
PARLAMENTARNA SKUPŠTINA BOSNE I HERCEGOVINE			
SARAJEVO			
PRIMLJENO:	14.02.2013		
Broj:	01-50-1-15-41/13		
Klasifikaciona oznaka:			
Re:			
Služba:			

PREDMET:Odgovor na zastupničko pitanje (veza Vaš dopis broj:01/a-50-1-15-41/13)

Uvaženi gospodine Ljubiću,

Vežano za Vaš dopis-upit broj: 01/a-50-1-15-41/13 od 04.02.2013. godine, koji se odnosi na zastupničko pitanje zastupnice Azre Hadžiahmetović, „da li smo konsultovani od strane inicijatora-autora i Vijeća ministara BiH o aktuelnom prijedlogu izmjena i dopuna Zakona o VTK BiH u odnosu na izmjene i dopune“, obavještavam Vas:

Dana 11.12.2012. godine, dobili smo poziv za sastanak od Ministarstva vanjske trgovine i ekonomskih odnosa BiH (poziv broj:01-1-50-3388/12), kojem smo se i odazvali.

Na sastanku u MVTEO BiH, na kojem su, pored resornog ministra g-dina Šarovića, bili nazočni i predstavnici-predsjednici entitetskih komora BiH, održanom dana 04.01.2013. godine, dostavljen nam je Nacrt izmjena i dopuna Zakona o VTK BiH na koji smo se trebali očitovati.

Dana 06.02.2013. godine, naši zaključci i očitovanje u svezi Nacrta o izmjenama i dopunama Zakona o VTK BiH pod brojem PK-266/13 dostavljeni su MVTEO BiH.

U prilogu ovog dopisa-odgovora, dostavljam Vam Nacrt o izmjenama i dopunama Zakona o VTK BiH i naše Zaključke i očitovanje na isti.

S uvažavanjem i poštivanjem,



PREDsjedNIK

Doc.dr.sc. Bruno Bojić

Dostaviti:

- Zastupnički dom PS BiH
- Prof.dr.sc. Azra Hadžiahmetović, zastupnica PS BiH
- a/a



**Vanjskotrgovinska komora BiH
Spoljnotrgovinska komora BiH
S a r a j e v o**

Vežano za Nacrt Zakona o izmjenama i dopunama Zakona o Vanjskotrgovinskoj/Spoljnotrgovinskoj komori Bosne i Hercegovine, koje nam je dostavilo Ministarstvo vanjske trgovine i ekonomskih odnosa Bosne i Hercegovine, održan je sastanak i Stručni kolegij VTK BiH 21.01.2013. godine u 11.00. i 13.00. h.

Na sastanku u 11,00 sati prisustvovali su: pravni stručnjaci: advokat Mehmed Spaho, ovlašteni opunomoćenik VTK BiH; sudski arbitri VTK BiH; advokat mr. Almir Gagula i Prof.dr.sc. Miroslav Džidić, te predstavnici VTK BiH: Doc.dr.sc. Bruno Bojić, predsjednik; Veselin Poljašević, potpredsjednik; v.d. generalni sekretar Ivan Mandić; Prof.dr.sc. Duljko Hasić; Zdravko Marinković; Igor Gavran; Biljana Oklobdžija; Ljubica Petričević i Belma Šabić.

Na Stručnom kolegiju VTK BiH u 13,00 sati prisustvovali su: Doc.dr.sc. Bruno Bojić, predsjednik; Veselin Poljašević, potpredsjednik; Amir Zukić, potpredsjednik; Ivan Mandić, v.d. generalni sekretar; Doc.dr.sci. Velibor Peulić, zamjenik generalnog sekretara; mr.sc. Nermana Bičakčić, šef Kabineta predsjednika i potpredsjednika; Prof.dr.sc. Duljko Hasić, v. d. direktor Instituta za edukaciju; Enes Ališković, direktor Agencije za promociju izvoza; Zijad Sinanović, direktor Sektora za transport i komunikacije; Ines Hadžišabić, v.d. direktor Centra za kvalitet; Momir Tošić, direktor Sektora za makroekonomski sistem; Engin Mešanović, v.d. direktor Agencije za logistiku; Ante Ostojić, v.d. direktor Sektora za javna dokumenta; Boris Marković, direktor Centra za informatiku i statistiku; Zdravko Marinković, v.d. direktor Sektora privrede; Belma Džafić, v.d. direktor Sektora za finansije, računovodstvo i članarinu i Belma Šabić, stručni saradnik u Službi za pravne poslove.

Nakon rasparave o Nacrtu Zakona o izmjenama i dopunama Zakona o VTK BiH, na navedenom sastanku i Stručnom kolegiju, doneseni su sljedeći zaključci:

I

Predložene izmjene Zakona o Vanjskotrgovinskoj/Spoljnotrgovinskoj komori BiH (u daljem tekstu: Komora BiH) su nepotrebne, nepotpune i nejasne i kao takve ne bi stvorile bolji Zakon od postojećeg Zakona o Komori BiH („Službeni glasnik BiH“, broj 30/01), nego pravnu nesigurnost u smislu da bi dosadašnji način poslovanja Komore BiH regulisale na drugačiji način, a bez jasno naznačenog cilja i rezultata predloženih izmjena. Pored navedenog, predloženi nacrt je u suprotnosti sa odredbama važećeg Zakona o Komori BiH i Ustavom BiH, pa bi se moglo postaviti pitanje ustavnosti i zakonitosti predloženog Nacrta o izmjenama i dopunama Zakona Komori BiH.

II

Stav svih sudionika sastanka i Stručnog kolegija VTK BiH je da sadašnji Zakon o Komori BiH („Službeni glasnik BiH“, broj 30/01) ne treba uopšte mijenjati, a posebno ne na način kako je to predviđeno u predloženom nacrtu, ali ako su izmjene nužne, prijedlozi su sljedeći:



Član 1.

U Zakonu o Komori BiH (Službeni glasnik BiH, broj 30/01) iza člana 2. dodaje se član 2.a) koji glasi:

Član 2.a)

Komora, ukoliko se na nju prenesu javna ovlaštenja, je institucija sa javnim ovlaštenjima u smislu Zakona o upravi.

Za slučaj prenesenih javnih ovlaštenja, odredbe člana 9. Zakona o upravi ne primjenjuju se na Komoru.

Član 2.

U članu 22. stav 3. mijenja se i glasi:

Skupština Komore utvrđuje visinu kotizacije i način njene naplate.

Iza stava 3. dodaje se novi stav 4. koji glasi:

Skupština Komore utvrđuje i visinu članarine do iznosa određenog ovim zakonom.

Dosadašnji stav 4. postaje stav 5.

Na temelju predloženih izmjena, član 22. Zakona o Komori BiH bi glasio:

Član 22.

Komora se finansira iz članarine, kotizacije, doprinosa privrednih komora Federacije Bosne i Hercegovine, Republike Srpske i Distrikta Brčko, obavljanja konsalting i drugih usluga za članove i na druge načine utvrđene Statutom i odgovarajućim aktima organa Komore.

Iz članarine i kotizacije finansiraju se zajednički poslovi članova Komore.

Skupština Komore utvrđuje visinu kotizacije i način njene naplate.

Skupština Komore utvrđuje i visinu članarine do iznosa određenog ovim zakonom.

Upravni odbor donosi cjenovnik kojim se utvrđuju tarife za konsalting i druge usluge, a naknade za pojedinačne poslove utvrđuju se ugovorom.

Član 3.

U članu 23. stav 1. mijenja se i glasi:

Članovi Komore navedeni u članu 3. ovog zakona obavezni su plaćati mjesečnu članarinu koja ne može biti viša od 5 prosječnih plaća u BiH (FBiH, RS, BD).

U stavu 2. na kraju teksta dodaje se zarez i riječi: " do iznosa određenog stavom 1. ovog člana."

Predloženi dodatak u stavu 3.: „za poslove u kojima Komora djeluje u svojstvu posrednika prilikom ugovaranja istih“, **brisati**.

Iza stava 3. dodati novi stav 4. koji glasi:

Nadležne institucije su obavezne Komori osigurati podatke i mehanizme naplate članarine.

Napomena: predloženi stav 4. člana 23. Zakona o Vanjskotrgovinskoj/Spoljnotrgovinskoj komori BiH, nije bio predložen nacrtom Zakona o izmjenama i dopunama Zakona o Vanjskotrgovinskoj/Spoljnotrgovinskoj komori BiH.

Na temelju predloženih izmjena, član 23. Zakona o Komori BiH bi glasio:

Član 23.

Članovi Komore navedeni u članu 3. ovog zakona obavezni su plaćati mjesečnu članarinu koja ne može biti viša od 5 prosječnih plaća u BiH (FBiH, RS i BD).

Godišnja članarina se utvrđuje zajedno sa godišnjim budžetom a prilagođava se saglasno veličini, profitabilnosti, djelatnosti i iznosu kapitala kojim raspolažu članovi Komore, do iznosa određenog stavom 1. ovog člana.

Komora može, također, primjenjivati tarife za usluge koje pruža članovima i za usluge nečlanovima Komore.

Nadležne institucije u BiH su obavezne Komori osigurati podatke i mehanizme naplate članarine.

Član 4.

U članu 24. iza stava 3. dodaje se novi stav 4. koji glasi:
Komora je dužna dostaviti Savjetu ministara Bosne i Hercegovine izvještaj o izvršenju budžeta do 31. marta za prethodnu godinu, radi upoznavanja, samo za prenesena javna ovlaštenja.

Na temelju predloženih izmjena, član 24. Zakona o Komori BiH bi glasio:

Član 24.

Upravni odbor svake godine podnosi Skupštini Komore nacrt budžeta prihoda i rashoda, kao i godišnji izvještaj i završni račun za prethodnu godinu, sa neophodnim objašnjenjima i odgovarajućom dokumentacijom. Godišnji

izvještaj i završni račun za prethodnu godinu se prethodno ispituje od strane Nadzornog odbora.

Nacrt budžeta, godišnjeg izvještaja i svi prateći dokumenti se pohranjuju u stručnim službama Komore i na raspolaganju su svakom članu Komore. Informacija o takvom pohranjivanju se objavljuje u Službenom glasniku BiH i najmanje tri dnevne novine koje pokrivaju cijelu teritoriju BiH, najmanje četrnaest dana prije razmatranja nacrta budžeta na Skupštini.

Rasprava i glasanje o nacrtu budžeta na Skupštini je javno.

Komora je dužna dostaviti Savjetu ministara Bosne i Hercegovine izvještaj o izvršenju budžeta do 31. marta za prethodnu godinu, radi upoznavanja, samo za prenesena javna ovlaštenja.

O b r a z l o ž e n j e

Članom 2. Zakona o Vanjskotrgovinskoj/Spoljnotrgovinskoj komori Bosne i Hercegovine (u daljem tekstu: Komora BiH), („Službeni glasnik BiH“ broj 30/01), jasno je nevedeno da je Komora BiH samostalna, nevladina, nepolitička i neprofitna javno pravna asocijacija..., te članom 6. istog Zakona utvrđeno da Komora BiH obezbjeđuje zastupanje interesa njenih članova putem: članstva Komore u međunarodnim organizacijama...obavljanja poslova javnih ovlaštenja... te da može obavljati i druge poslove koji su joj povjereni, a na osnovu: odluke nadležnih organa Bosne i Hercegovine.

Predloženim nacrtom o izmjenama i dopunama Zakona Komori BiH nije jasno definisano kada će se Komora BiH smatrati institucijom sa javnim ovlaštenjima u smislu Zakona o upravi.

Prijedlog za nepotpunu primjenu člana 9. Zakona o upravi na Komoru BiH nije adekvatan. Naime, članom 9. Zakona o upravi propisano je:

Sredstva za rad organa uprave obezbjeđuju se u Budžetu institucija BiH (u daljem tekstu: Budžet).

Sredstva za obavljanje poslova uprave koji se zakonom prenesu na institucije s javnim ovlaštenjima obezbjeđuju se u Budžetu.

Prihodi koji se ostvare u obavljanju javnih ovlaštenja čine sredstva Budžeta, u skladu sa Zakonom o trezoru institucija Bosne i Hercegovine.

Izuzimanjem Komore BiH od primjene stava 2. člana 9. Zakona o upravi – neobezbjedivanjem sredstava za prenesena javna ovlaštenja, a istovremeno nametanje obaveze da prihodi Komore BiH ostvareni u obavljanju javnih ovlaštenja čine sredstva Budžeta, u skladu sa Zakonom o trezoru institucija BiH, narušava njen status kao samostalne, nevladine, nepolitičke, neprofitne javno pravne asocijacije... kako ju je definisao član 2. stav 1. Zakona o Komori BiH, te je nužno naglasiti da se cijeli član 9. Zakona o upravi ne primjenjuje na Komoru BiH.

Imajući u vidu da je predlagač svjesno ili nesvjesno naveo da se samo stav 2. člana 9. Zakona o upravi ne primjenjuje na Komoru BiH, a što je krajnje neprihvatljivo,

prijedlog je da se ni stav 3. člana 9. Zakona o upravi, odnosno cijeli član 9. Zakona o upravi ne primjenjuje na Komoru BiH. Dakle, predlagač je imao namjeru da prihodi Komore BiH ostvareni u obavljanju javnih ovlaštenja čine sredstva Budžeta, a da pritom Komori BiH ne obezbjeđuje sredstva u Budžetu za obavljanje navedenih poslova.

Kada su u pitanju predložene izmjene člana 22. Zakona o Komori BiH, odredbom člana 12. Zakona o Komori BiH, je već utvrđeno da Skupština komore donosi odluku o članarini i kotizaciji za članove Komore, te članom 22. stav 3. Zakona o Komori BiH, utvrđeno da Skupština komore utvrđuje osnovicu i visinu članarine i kotizacije i način njene naplate.

Iz ovoga proizilazi da određivanje članarine treba ostati u nadležnosti organa Komore BiH, odnosno Skupštine Komore BiH, samih privrednika koji su u njenom sastavu, i koji plaćaju istu tu članarinu.

Međutim, ukoliko se želi ulaziti u to pitanje smatramo opravdanim prijedlog da su članovi Komore navedeni u članu 3. Zakona o Komori BiH obavezni plaćati mjesečnu članarinu koja ne može biti viša od 5 prosječnih plaća u BiH (FBiH, RS i BD).

Predloženi dodatak u stavu 3. člana 3. Nacrta Zakona o izmjenama i dopunama Zakona o Komori BiH je neophodno brisati iz razloga što takvo rješenje stvara pravnu nedoumicu i nesigurnost u smislu daljeg postupanja Komore BiH u situacijama primjene tarife za usluge koje pruža članovima i za usluge nečlanovima Komore BiH.

Ukoliko se insistira na određivanju gornje granice članarine, neophodno je da nadležne institucije Komori BiH osiguraju podatke kao i mehanizme naplate članarine.

Kako je članom 2. Zakona o Komori BiH propisano da je Komora samostalna, nevladina, nepolitička, neprofitna javno pravna asocijacija..., nametanje obaveze dostavljanja izvještaja Savjetu ministara o izvršenju Budžeta do 31. marta za prethodnu godinu, je u suprotnosti sa važećim Zakonom o Komori BiH, ukoliko se takva obaveza ne precizira u smislu da se obaveza dostavljanje navedenog izvještaja odnosi samo na izvještaj u smislu obavljanja poslova prenesenih javnih ovlaštenja.

Broj: PK-266-1/13



Predsjednik VTK BiH

Doc.dr.sc. Bruno Bojić

Prilog:

Nacrt izmjena i dopuna Zakona o VTK/STK BiH

На основу члана ИВ 4.а) Устава Босне и Херцеговине, Парламентарна скупштина Босне и Херцеговине, на ___ сједници Представничког дома, одржаној _____ године и на ___ сједници Дома народа, одржаној _____ године, усвојила је

ЗАКОН

О ИЗМЈЕНАМА И ДОПУНАМА ЗАКОНА О СПОЉНОТРГОВИНСКОЈ КОМОРИ
БОСНЕ И ХЕРЦЕГОВИНЕ

Члан 1.

У Закону о спољнотрговинакој коморе Босне и Херцеговине („Службени гласник БиХ”, број 30/01) у иза члана 2. додаје се члан 2.а) који гласи:

„Члан 2а)

1. Комора је институција са јавним овлаштењима у смислу Закона о управи.
2. Изузетно од опште примјене Закона о управи, одредбе члана 9. став (2) Закона о управи се не примјењују на Комору.“

Члан 2.

У члану 22. став 3. мијења се и гласи:

„3. Скупштина Коморе утврђује висину котизације и начин њене наплате.“

Иза става 3. додаје се нови став 4. који гласи:

„4. Скупштина Коморе утврђује и висину чланарине до износа одређеног овим Законом.“

Досадашњи став 4. постаје став 5.

Члан 3.

У члану 23. став 1. мијења се и гласи:

„1. Чланови коморе наведени у члану 3. овог закона плаћају мјесечну чланарину која не може бити виша од двије просјечне плаће у претходној години за подручје за које су коморе основане.“

У ставу 2. на крају текста додаје се зарез и ријечи: „до износа одређеног ставом 1. овог члана.“

У ставу 3. на крају текста додаје се зарез и ријечи: „за послове у којима Комора дјелује у својству посредника приликом уговарања истих.“

Члан 4.

У члану 24. иза става 3. додаје се нови став 4. који гласи:

„3. Комора је дужна доставити Савјету министара Босне и Херцеговине извјештај о извршењу буџета до 31. марта за претходну годину ради упознавања.“

Члан 5.

Овај закон ступа на снагу осмог дана од дана објављивања у „Службеном гласнику БиХ“.

ОБРАЗЛОЖЕЊЕ

Ustavno-pravni osnov

Ustavno pravni osnov за доношење Закона о измјенама и допунама Закона о спољнотрговинакој коморе Босне и Херцеговине („Службени гласник БиХ“, број 30/01) садржан је у члана IV 4.а) Устава Босне и Херцеговине, према којем је Парламентарна скупштина надлежна за доношење закона који су потребни за провођење одлука Предсједништва или за вршење функција Скупштине по Уставу БиХ.

Разлози за доношење

Досадашњим одредбама Закона о спољнотрговинској комори нигдје није јасно наведен статус ове институције у смислу Закона о управи. Детаљнијим освртом на надлежности ове институције, утврђено је да СКТ има одређена јавна овлаштења која су јој пренесена од стране Министарства спољне трговине и економских односа Босне и Херцеговине, а посебно у смислу издавања деташмана, као и вршења промоције извоза. Обзиром да ове надлежности представљају јавна овлаштења, потребно је у том смислу и допунити одредбе Закона.

У важећем Закону о спољнотрговинакој комори Босне и Херцеговине било је прописано да Скупштина Коморе утврђује основицу и висину чланарине и котизације и начин наплате. Такво рјешење гдје законски није одређен лимит тј. горња граница висине чланарине довело је до тога да привредни субјекти плаћају изузетно високе чланарине што је отежавало рад самих привредних субјеката јер је одлив финансијских средстава био велик.

Одређивањем горње границе годишње чланарине на 10.000 КМ жели се постићи несметано функционисање привредних субјеката и стварање здравог тржишта. Скупштини коморе је и даље дато да до границе одређене овим законом одређује као и до сада висину чланарине.


Измјенама и допунама Закона је предвиђено да Комора може примјењивати тарифе за услуге које пружа члановима и за услуге члановима Коморе, за послове у којима Комора дјелује у својству посредника приликом уговарања истих.

Предложена допуна је из разлога што су у досадашњој пракси привредни субјекти плаћали проценат и у случају када Комора није имала улогу посредника, те се увођењем оваквог рјешења ствара праведан однос између привредних субјеката и Коморе.

Финансијска средства

За провођење овог Закона није потребно издвојити додатна средства из Буџета институција Босне и Херцеговине и међународних обавеза Босне и Херцеговине.

Неспорно је да ће Комора имати мање приходе из чланарина него што је то случај био до сада, али Комора се не финансира само из чланарина. Она је дужна средства за обављање својих надлежности обезбиједити и из других извора. Оно што се засигурно добија су здрави привредни субјекти који ће улагати у развој тржишта.

01/a-50-1


BOSNA I HERCEGOVINA
 AGENCIJA ZA JAVNE NABAVKE/NABAVE



БОСНА И ХЕРЦЕГОВИНА
 АГЕНЦИЈА ЗА ЈАВНЕ НАБАВКЕ

BOSNIA AND HERZEGOVINA
 PUBLIC PROCUREMENT AGENCY

Broj: 02-07-5-507-1/13
 Sarajevo: 15.02.2013.godine

BOSNA I HERCEGOVINA
 PARLAMENTARNA SKUPŠTINA
 PREDSTAVNIČKI DOM

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLIENO: 18.02.2013			
Organizaciona jedinica	Klasifikaciona oznaka	Radni broj	Broj prijema
01-50-1-		15-	41/13

Trg BiH 1
 71000 Sarajevo

Predmet: Odgovor na poslaničko pitanje – dostavlja se
Veza: Vaš akt broj: 01/a-50-1-15-4/13 od 04.02.2013. godine

Poštovani,

Povodom poslaničkog pitanja gđa. Azre Hadžiahmetović postavljenog na 41. sjednici Predstavničkog doma Parlamentarne skupštine BiH, održanoj 31.01.2013.godine, obavještavamo vas o slijedećem:

Prije svega želimo da napomenemo da u poslaničkom pitanju nije jasno navedeno, na koji Prijedlog Izmjena i dopuna Zakona o javnim nabavkama BiH se misli.

Pretpostavka je da se radi o nacrtu Zakona o izmjenama i dopunama Zakona o javnim nabavkama BiH, upućenom od strane Socijaldemokratske partije Bosne i Hercegovine, a u skladu sa dogovorom političkih stranaka, koje čine parlamentarnu većinu, Vijeću ministara BiH, na razmatranje, te ističemo da po tom pitanju Agencija nije konsultovana od strane inicijatora-autora.

Međutim, Agencija za javne nabavke je 27.12.2012.godine zaprimila zahtjev Ministarstva finansija i trezora BiH, akt broj 01-02-2-9641-2112 od 25.12.2012.godine, kojim se traži mišljenje na Nacrt Zakona o izmjenama i dopunama Zakona o javnim nabavkama BiH, upućen od strane Socijaldemokratske partije Bosne i Hercegovine, Vijeću ministara BiH, na razmatranje.

U vezi sa drugim dijelom pitanja, a koji se odnosi na stav Agencije za javne nabavke, povodom predloženih izmjena i dopuna Zakona o javnim nabavkama BiH, u prilogu ovog akta vam dostavljamo mišljenje Agencije za javne nabavke na Nacrt Zakona o

1

izmjenama i dopunama Zakona o javnim nabavkama BiH, dato Ministarstvu finansija i trezora BiH, pod brojem 02-02-1-2542-1/12 od 04.01.2013.godine.

S poštovanjem,

PRILOG:- kao u tekstu.

Dostavljeno:

- naslovu,
- a/a.



BOSNA I HERCEGOVINA
AGENCIJA ZA JAVNE NABAVKE/NABAVE



БОСНА И ХЕРЦЕГОВИНА
АГЕНЦИЈА ЗА ЈАВНЕ НАБАВКЕ

BOSNIA AND HERZEGOVINA
PUBLIC PROCUREMENT AGENCY

Broj: 02-02-1-2542-1/12
Sarajevo, 04.01.2013. godine

MINISTARSTVO FINANSIJA I TREZORA
n/p dr Nikola Špirić, Ministar

PREDMET: Mišljenje na Nacrt Zakona o izmjenama i dopunama Zakona o javnim nabavkama- dostavlja se

Veza: Vaš akt br. 01-02-2-9641-2/12 od 25.12.2012. godine

Poštovani,

Vašim aktom, broj i datum veze, dostavili ste Nacrt Zakona o izmjenama i dopunama Zakona o javnim nabavkama (u daljem tekstu: Zakon) na mišljenje. Odbor Agencije za javne nabavke na VII sjednici, održanoj 28.12.2012. godine je razmotrio isti i dao saglasnost na slijedeće mišljenje:

U članu 1. Zakona definiše se uspostava filijala Ureda za razmatranje žalbi u Banja Luci i Mostaru, način imenovanja članova u filijalama, kao i nadležnosti za rješavanje po žalbama. Razmatrajući ovu odredbu, Odbor AJN predlaže da se definiše koji ured će razmatrati žalbe na odluke ugovornih organa Brčko Distrikta BiH. Također, nije definisan mandat, kako članova URŽ-a u Sarajevu, tako nije definisan mandat ni novih članova u filijalama. Stoga smo mišljenja da u posebnom članu, definisanom kao prelazne i završne odedbe treba definisati ovo pitanje, posebno imajući u vidu rasprave oko mandata postojećih članova URŽ a.

U predloženom članu 3. definišu se naknade za pokretanje žalbenog postupka. Ova odredba, prema predloženim vrijednosnim razredima, kao i pozivanjima na sektorske ugovorne organe (stav 5 člana 3.) se referiše na odredbe Nacrta zakona o javnim nabavkama koji je dostavljen Vijeću ministara BiH u proceduru za usvajanje, a ne na odredbe važećeg Zakona o javnim nabavkama.

Imajući u vidu naprijed navdenu, mišljenja smo da predloženi tekst potrebno doraditi i dopuniti odredbama koje će se referisati na važeći Zakon o javnim nabavkama, kao i definisti mandat članova Ureda za razmatranje žalbi.

Također, u razmatranju predloženog teksta, Odbor AJN je sugerisao da se razmotri mogućnost da se predložene izmjene i dopune integrišu u Nacrt zakona o javnim nabavkama, koji je

dostavljen Vijeću ministara BiH, te da se kao integralan tekst, sa ugrađenim prijedlozima, dostavi Parlamentarnoj skupštini BiH na razmatranje i usvajanje po skraćenoj proceduri. Na taj način Bosna i Hercegovina bi ispunila obaveze iz člana 74. Sporazuma o stabilizaciji i pridruživanju i ostvarila značajan napredak na evropskom putu.

S poštovanjem,



Dostaviti:

- Naslovu,
- a/a



Visoko sudsko i tužilačko vijeće Bosne i Hercegovine
 Visoko sudbeno i tužiteljsko vijeće Bosne i Hercegovine
 Високи судски и тужилачки савјет Босне и Херцеговине
 High Judicial and Prosecutorial Council of Bosnia and Herzegovina




01/e-50-1
 ly

Broj: 01-50-686-2 /2013
 Sarajevo, 14.2.2013. godine

Parlamentarna Skupština Bosne i Hercegovine
 Predstavnički dom

Predmet: **Odgovor na zastupničko pitanje, dostavlja se.** –
 Veza: Vaš akt broj 01/a-50-1-15-41/13 od 4.2.2013. godine



Poštovani,

Visoko sudsko i tužilačko vijeće Bosne i Hercegovine (VSTV BiH) je 11.2.2013. godine zaprimilo vaš dopis br. 01/a-50-1-15-41/13 u kojem je sadržano poslaničko pitanje poslanika Azre Hadžiahmetović Visokom sudskom i tužilačkom vijeću Bosne i Hercegovine (VSTV-u BiH):

„Da li ste od strane inicijatora-autora i Vijeća ministara BiH konsultovani o Zakonu o izmjenama i dopunama Zakona o Visokom sudskom i tužilačkom vijeću BiH i kakav je Vaš stav o predloženim izmjenama?“

Povodom ovog poslaničkog pitanja, obavještavamo Vas slijedeće:


VSTV BiH je, u skladu sa obavezama iz Strukturiranog dijaloga o pravosuđu između Evropske unije i Bosne i Hercegovine, pripremio svoj prijedlog izmjena i dopuna Zakona o VSTV-u BiH. Prijedlog je 12. oktobra 2012. godine dostavljen Ministarstvu pravde BiH.

VSTV BiH nije obavješteno od Ministarstva pravde BiH da li je uopšte u bilo kojoj fazi ili u bilo kakvoj proceduri izrada Nacrta Zakona o izmjenama i dopunama Zakona o Visokom sudskom i tužilačkom vijeću BiH.

S poštovanjem,

Dostavljeno:

- Predstavnički dom Parlamentarne skupštine BiH
- a/a





01/a-50-1

[Handwritten signature]

Broj: 05-1-02-4-420-2/13
Sarajevo, 18.02.2013. godine

**BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
PREDSTAVNIČKI/ZASTUPNIČKI DOM**

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE PREDSTAVNIČKI/ZASTUPNIČKI DOM	
27.02.2013	
Organizacione jedinice	Broj priloga
01-50-1-15-41/13	

n/r predsjedatelja, gospodina Dr. Bože Ljubića

PREDMET: Odgovor na zastupničko pitanje
VEZA: Vaš akt broj: 01/a-50-1-15-41/13 od 04.02.2013. godine

Poštovani,

U vezi zastupničkog pitanja zastupnice Azre Hadžiahmetović, zastupnice u Zastupničkom domu Parlamentarne skupštine Bosne i Hercegovine postavljenog na 41. sjednici Zastupničkog doma Parlamentarne skupštine Bosne i Hercegovine održanoj 31.01.2013. godine, upućenog Centralnoj izbornoj komisiji Bosne i Hercegovine koje glasi: „Da li ste od strane inicijatora – autora i Vijeća ministara BiH konsultovani o aktuelnom prijedlogu izmjena i dopuna Izbornog zakona BiH, Zakona o sukobu interesa u institucijama vlasti BiH i kakav je vaš stav o ovim prijedlozima?“, u skladu sa članom 155. stav 3. Poslovnika Zastupničkog doma Parlamentarne skupštine Bosne i Hercegovine („Službeni glasnik BiH“, br. 33/06, 41/06, 81/06, 91/06, 91//07, 87/09 i 30/12), dajemo sljedeći:

ODGOVOR

Centralna izborna komisija Bosne i Hercegovine (u daljem tekstu: Centralna izborna komisija BiH) nije konsultovana o aktuelnom prijedlogu izmjena i dopuna Izbornog zakona BiH i Zakona o sukobu interesa u institucijama vlasti BiH kako od strane inicijatora tako i od strane Vijeća ministara BiH, nego je o prijedlozima izmjena i dopuna ovih zakona saznala iz sredstava javnog informisanja.

Obzirom da Centralnoj izbornoj komisiji BiH nije zvanično dostavljen konkretan tekst predloženih izmjena i dopuna kako Izbornog zakona BiH tako i Zakona o sukobu interesa u institucijama vlasti BiH od strane nadležnih institucija, Centralna izborna komisija BiH ne može dati svoje mišljenje o predloženim izmjenama i dopunama ovih zakona.

S poštovanjem,

Dostavljeno:

- 1. Naslovu
- 2. a/a

Predsjednik
Branke Petrić



BOSNA I HERCEGOVINA
URED ZA RAZMATRANJE ŽALBI

БОСНА И ХЕРЦЕГОВИНА
КАНЦЕЛАРИЈА ЗА РАЗМАТРАНЈЕ ЖАЛБИ

BOSNIA AND HERZEGOVINA
PROCUREMENT REVIEW BODY

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

Broj: 01-50-3-65-2/13
Sarajevo, 07.03.2013.godine

Organizaciona jedinica	Klasifikaciona oznaka	Redni broj	Broj priloga
01-50-1-		15-41	13

PARLAMENTARNA SKUPŠTINA BOSNE I HERCEGOVINE
PREDSTAVNIČKI DOM
SARAJEVO

PREDMET: Odgovor na poslaničko pitanje
- dostavlja se,

V e z a : Vaš dopis broj 01/a-50-1-15-41/13 od 04.02.2013.godine

Poštovani,

Povodom pitanja koje je na 41. sjednici Predstavničkog doma Parlamentarne skupštine Bosne i Hercegovine, održanoj 31.01.2013.godine, postavila poslanik Azra Hadžiahmetović, a koje je zaprimljeno u Uredu za razmatranje žalbi dana 13.02.2013.godine, Ured za razmatranje žalbi u ostavljenom roku od 30 dana dostavlja traženi odgovor.

S poštovanjem.

PRILOG: kao u tekstu



PREDSJEDAVAJUĆI
UREDA ZA RAZMATRANJE ŽALBI

dr. Amir Pilav

ODGOVOR NA POSLANIČKO PITANJE

Na 41. sjednici Predstavničkog doma Parlamentarne skupštine Bosne i Hercegovine, održanoj 31.01.2013.godine, poslanik Azra Hadžiahmetović je postavila poslaničko pitanje slijedeće sadržine:

“Da li ste konsultovani od strane inicijatora – autora i Vijeća ministara BiH o aktuelnom prijedlogu izmjena i dopuna Zakona o javnim nabavkama i kakav je vaš stav o predloženim izmjenama.”

S tim u vezi, Ured za razmatranje žalbi daje slijedeći odgovor:

Tokom 2012.godine, kao i u dosadašnjem dijelu 2013.godine, od Ureda za razmatranje žalbi nije tražen stav povodom bilo kojeg nacrtu novog Zakona o javnim nabavkama ili izmjena i dopuna Zakona o javnim nabavkama.



Kemal Kozarić
Guverner

Broj: 122- H-1-1674 /14 ZT
Sarajevo, 26. 06. 2014

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO:	30-06-2014		
Organizaciona jedinica	Klasifikacione oznake	Redni broj	Broj priloga
01-50-1-15-41/13			

ura: 01-50-1-667/14

PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM
n/p gospodina dr Milorada Živkovića, predsjedavajućeg Predstavničkog doma

Poštovani gospodine Živkoviću,

Povodom Vašeg pisma broj: 01/a-50-1-15-67/14 od 17. juna 2014. godine kojim urgirate dostavu odgovora na poslaničko pitanje koje je upućeno Centralnoj banci Bosne i Hercegovine vezano za Prijedlog izmjena i dopuna Zakona o Centralnoj banci Bosne i Hercegovine, u prilogu Vam dostavljamo kopiju pisma Centralne banke Bosne i Hercegovine, broj: 101-17-1-151/13 od 14. januara 2013. godine, naslovljeno na gospodina Nikolu Špirića, ministra Ministarstva finansija/finansija i trezora.

S poštovanjem,

Prilog:
- kao u tekstu



GUVERNER
dr Kemal Kozarić



Broj: 101 - 17-1-151 /13
Sarajevo, 14.01. 2013.godine

16.04.13

MINISTARSTVO FINANSIJA/FINANCIJA I TREZORA
n/p Ministra Nikole Špirića
Trg BiH 1
Sarajevo

Poštovani,

Upravno vijeće/Upravni odbor Centralne banke Bosne i Hercegovine je pažljivo razmotrilo predloženi Nacrt zakona o izmjenama Zakona o Centralnoj banci Bosne i Hercegovine, i u skladu sa članom 65. Zakona o Centralnoj banci Bosne i Hercegovine i vašim zahtjevom broj: 01-02-2-9641-3/12 od 25.12.2012. godine dajemo svoje mišljenje.

Prije svega, uočili smo da je predlagač, izuzev tačke 2. člana 36., u svim ostalim tačkama preuzeo u potpunosti tekst člana 36. Zakona o Centralnoj banci Bosne i Hercegovine iz 1997. godine koji je u međuvremenu pretrpio određene izmjene i dopune, a ne važeći tekst predmetnog člana. Izmjene i dopune Zakona o Centralnoj banci Bosne i Hercegovine, koje se odnose na član 36., su objavljene u „Službenom glasniku BiH“ brojevi 29/02, 13/03 i 76/06. Smatramo da se eventualna izmjena člana 36. Zakona o Centralnoj banci Bosne i Hercegovine treba odnositi isključivo na tačku 2., koja reguliše putem kojih sredstava se održavaju obavezne rezerve, s tim da ne vidimo potrebu niti razloge za izmjenama ili dopunama ostalih odredbi člana 36.

Takođe, konstatujemo da prijedlog uključivanja obveznica izdatih od strane Bosne i Hercegovine i entiteta u strukturu obaveznih rezervi, u iznosu do 10% od ukupnih obaveznih rezervi banke, ne narušava koncept i funkcionisanje valutnog odbora.

U skladu sa gore navedenim, u prilogu dopisa Vam dostavljamo naše viđenje izmjene člana 36. Zakona o Centralnoj banci Bosne i Hercegovine sa tabelarnim pregledom dostavljenog i važećeg člana 36. Zakona o Centralnoj banci Bosne i Hercegovine.

S poštovanjem,

Prilog:

- kao u tekstu

Predsjedavajući
Upravnog vijeća/Upravnog odbora
Centralne banke Bosne i Hercegovine
GUVERNER
dr Kemal Kozarić

Na osnovu člana IV. 4. a) Ustava Bosne i Hercegovine, Parlamentarna skupština Bosne i Hercegovine, na sjednici Predstavničkog doma održanog _____ 2013. godine, i na sjednici Doma naroda održanoj _____ 2013. godine, usvojila je:

**ZAKON
O IZMJENI
ZAKONA O CENTRALNOJ BANCII BOSNE I HERCEGOVINE**

Član 1.

U Zakonu o Centralnoj banci Bosne i Hercegovine („Službeni glasnik BiH“ broj: 1/97; 29/02; 8/03; 13/03; 14/03; 9/05; 76/06.), u članu 36. tačka 2. mijenja se i glasi:

„2. Obavezne rezerve se održavaju držanjem novčanih depozita kod Centralne banke i obveznica izdatih od strane Bosne i Hercegovine i entiteta izraženih u konvertibilnoj marki kao domaćoj valuti. Obavezne rezerve se održavaju preko centrale i glavnih jedinica Centralne banke, a obračunavaju se kao prosječne dnevne rezerve u desetodnevnom periodu. Ukupan iznos obveznica se računa na osnovu njihove nominalne vrijednosti i može iznositi do 10% ukupnih obaveznih rezervi banke. Obveznice moraju biti emitovane putem berze sa sjedištem u Bosni i Hercegovini.“

Član 2.

Ovaj zakon stupa na snagu prvog kalendarskog dana u narednom mjesecu nakon objavljivanja u „Službenom glasniku BiH“, a objavit će se u službenim glasilima entiteta i Brčko Distrikta Bosne i Hercegovine.

Usporedni pregled Nacrta zakona o izmjenama Zakona o Centralnoj banci Bosne i Hercegovine upućenog od strane Vijeća/Savjeta ministara BiH i važećeg teksta člana 36. Zakona o Centralnoj banci Bosne i Hercegovine

<p>Nacrt zakona o izmjenama Zakona o Centralnoj banci Bosne i Hercegovine</p>	<p>Važeći tekst člana 36. Zakona o Centralnoj banci Bosne i Hercegovine</p>	<p>Komentar</p>
<p>1. Upravno vijeće Centralne banke propisom zahtijeva da banke drže depozite u Konvertibilnim markama kod Centralne banke, preko centrale ili glavnih jedinica, u minimalnom propisanom nivou koji iznosi između 10% i 15% njihovih depozita i pozajmljenih sredstava izraženih u Konvertibilnoj marci. Obavezne rezerve se primjenjuju jednako za sve banka.</p> <p>2. Obavezne rezerve se održavaju držanjem sledećih sredstava:</p> <ul style="list-style-type: none"> • Gotovine ili novčanah depozita kod Centralne banke preko njene centrale i glavnih jedinica i obračunavaju se kao prosječne dnevne rezerve u desetodnevnom periodu. • Obveznice izdate od strane Bosne i Hercegovine, entiteta, kantona ili opštine, isključivo u KM-ovima. Ukupan iznos obveznica se računa na osnovu nominalnih vrijednosti i ne može iznositi više od 10% od ukupnih obaveznih rezervi banke. Obveznice moraju biti emitovane preko berze koja se nalazi na tlu Bosne i Hercegovine. 	<p>1. Propisom Upravnog vijeća Centralne banke utvrđuje se minimalni iznos koji se obračunava na depozite i pozajmljena sredstava, bez obzira u kojoj valuti su sredstva izražena, koji su banke dužne da drže kod Centralne banke, preko centrale ili glavnih jedinica. Obavezne rezerve se primjenjuje jednako za sve banke</p> <p>2. Obavezne rezerve se održavaju držanjem novčanah depozita kod Centralne banke preko njene centrale i glavnih jedinica i obračunavaju se kao prosječne dnevne rezerve u desetodnevnom periodu.</p> <p style="text-align: center;">Dodata potpuno nova alineja</p>	<p>Posljednje izmjenene tačke 1. člana 36. izvršene u 2006. godini i objavljene u „Službenom glasniku BiH“ 76/06.</p> <p>Izmjenene tačke 2. člana 36. objavljene u „Službenom glasniku BiH“ 13/03</p>

<p>3. Centralna banka isplaćuje bankama kamatu po tržišnoj stopi i to na iznos njihovih obaveznih rezervi koji prelazi ekvivalent od pet procenata ukupnog iznosa njihovih pojedinačnih obaveza.</p> <p>4. Propisi kojima se modificiraju nivoi obaveznih rezervi specificiraju datum do kojeg banke moraju obezbijediti iznos obaveznih rezervi.</p> <p>5. Ukoliko banka ne izvrši svoju obavezu u pogledu obaveznih rezervi tokom dva uzastopna perioda, Centralna banka prestaje obavljati transakcije povlačenja za tu banku i obavještava nadležne bankarske institucije kako bi se poduzele odgovarajuće mjere i nadoknadio manjak u toku iste sedmice. Ukoliko se neispunjavanje obaveza produži za još jednu sedmicu, Centralna banka će obavijestiti nadležne bankarske institucije kako bi one mogle započeti postupak zatvaranje banke. Centralna banka određuje i naplaćuje kaznu za svaku banku koja ne uspije održati obavezne rezerve na minimalnom nivou propisanom od strane Centralne banke, u iznosu od pet promila (5/1000) dnevno od ostvarenog deficita obaveznih rezervi te banke, sve dok se taj deficit ne ispravi.</p>	<p>3. Propisom Upravnog vijeća određuje se naknada koju Centralna banka isplaćuje bankama na iznos rezervi.</p> <p>4. Propisi kojima se modificiraju nivoi obaveznih rezervi specificiraju datum do kojeg banke moraju obezbijediti iznos obaveznih rezervi.</p> <p>5. Ukoliko banka ne izvrši svoje obaveze u pogledu obaveznih rezervi tokom dva uzastopna perioda, Centralna banka prestaje obavljati transakcije povlačenja za tu banku i obavještava nadležne bankarske institucije kako bi se poduzele odgovarajuće mjere i nadoknadio manjak u toku istog perioda, odnosno deset dana. Ukoliko se neispunjavanje obaveza produži za još jedan period, odnosno deset dana Centralna banka će obavijestiti nadležne bankarske institucije kako bi one mogle poduzeti odgovarajuće korake protiv banke. Centralna banka određuje i naplaćuje kaznu za svaku banku koja ne uspije održati obavezne rezerve na minimalnom nivou propisanom od strane Centralne banke, u iznosu od pet promila (5/1000) dnevno od ostvarenog deficita obaveznih rezervi te banke, sve dok se taj deficit ne ispravi</p>	<p>Izmjene tačke 3. člana 36 objavljene u „Službenom glasniku BiH“ 13/03</p> <p>Nije bilo izmjena tačke 4. člana 36.</p> <p>Izmjene tačke 5. člana 36. objavljene u „Službenom glasniku BiH“ 29/02</p>
--	--	--